

Պատմ. գիտ. դոկտոր Կ. Ն. ՅՈՒՋԲԱՇՅԱՆ (ԼԵՆԻՆԳՐԱԴ)

1984 թ. լրանում է այդ շարժման 1500-ամյակը, մի հանգամանք, որ ինքնին հետաքրքրություն է առաջացնելու դեպի մեր պատմության այդ դրվագը: Խոշորելով ապագային ապստամբության ամբողջական ուսումնասիրությունը, սույն հոդվածում մենք փորձ ենք կատարում լուսաբանել լոկ ժամանակագրական հարցերը: Այդպիսի վերլուծության անհրաժեշտությունն ակներև է: Հալադիսական գրականության մեջ ապստամբությունը, իբրև օրենք, թվագրված է 481—484 թթ.¹, իսկ վրացագիտական աշխատություններում 484 թ. նշված է որպես սկիզբ², հաղպաղեց նշված են նաև 482—484 թթ.³: Ժամանակագրական առումով անհամաձայն այդ տեսակետները նկատի ունեն միևնույն դեպքերը և բոլորը խառնալված են միևնույն գրավոր սկզբնաղբյուրի վրա: Մեր խոսքը վերադառնում է ապստամբության գլխավոր (և՛ ինքն ու իր իր) սկզբնաղբյուրին՝ Ղազար Փարպեցու Պատմությանը (Վահանին ուղղված հուշակալոր թղթում այդ անցքերի մասին կան միայն ակնառկներ): Ղազար Փարպեցին գրել է իր աշխատությունը V դարի վերջին տասնամյակում (շուրջ 500 թ.), ուրեմն նույն ժամանակահատվածում ժամանակակիցը. բացի այդ, անհրաժեշտ է հատուկ նշել, որ տասնյակ տարիներ անընդհանուր մեր պատմության կապված է եղել Վահան Մամիկոնյանի ընտանիքի հետ, սպառապետք մանկուց եղել է նրա մտերիմը,

³ ს. კაკაბაძე, ვახტანგ გორგასალი, თბ., 1959, გვ. 53. ლ. 6. ჯანაშვილი, ლხარ ფარების ცნობები საქართველოს შესახებ, თბ., 1962, გვ. 142. საქართველოს ისტორიის ნარკვევები, ტომი II, თბ. 1973, გვ. 101. C. Toumanoff. Studies in Christian Caucasian History. Georgetown, p. 365, n. 31. С. Т. Еремян. Армения в эпоху Давида Ипполитовича. - Вестник древней истории, 1980, № 4, с. 7.

Ինչպես էլ որ զնահատելու լինենք բերված տեղեկությունների արժանահավաստությունը, պարզ է, որ հայերի մոտ բոլոր էր առաջացել Պերոզ արքայի խաղաքականության դեմ, և Վահանն արդեն այդ ժամանակ ապստամբության ինչ-որ ծրագրեր էր մշակում։ Սակայն երկրում դեռևս խաղաղություն էր տիրում, Հայերը, գոնե արտաքինապես, շարունակում էին պահպանել իրենց հավատարմությունը սասանյան իշխանությանը։

Բայց ահա հարևան Վիրքից հուլիշ լուր է հասնում՝ Վախթանգ թագավորը (446—502 թթ.) սպանել է Վաղգեն (Վառսկեն) բղեշխին⁶, և Վրաց աշխարհում սկիզբ է առել «խռովություն յուզմանց»։ Հայ դոքթրը այդ պահին գտնվում էր Այվանքում։ Վախթանգի ապստամբությունը ոգևորում է նրանց դիմելու կրտսերուկ քալերի, մանավանդ որ Վրաց արքան խոստումներ է անում, թե օգնության կգան հոների ջոկատներ, որոնք և կկոպեն պարսիկների դեմ։ Հավաքվելով Շիրակում, Աղվանքից վերադարձած զինվորները համոզում են Վահանին, որպեսզի նա միանա ապստամբությանը։ Սպարապետը նախապես զգուշանում է վճռական քայլերից, սակայն շուտով գալիս են ընդհանուր համաձայնություն։ Հավատարմության երդում են տալիս ինչպես քրիստոնյաները, այնպես էլ ժողովին մասնակցող «ուրացողները» (ԿԶ, էջ 118—120)։

Նախարարներից մեկը՝ Վարադ-Շապուհ Ամատունին, մատնում է պարսիկներին «միաբանության խորհուրդը»։ Պարսիկները և սելեցի «ուրացողները» փորձում են նախապես ապաստան գտնել Անի բերդում, ապա փախչում են Արտաշատի ուղղությամբ։ Հետապնդելով նրանց, նախարարները մտնում են Դվին, հետո պաշարում Արտաշատը, մինչդեռ Հայաստանի մարզպան Ատրվինասարը դոքթ է կանչում Ատրպատականից։ Զորքը մոտենում է Երասխ գետին՝ նպատակ ունենալով մտնել Նախճավան գյուղը (ԿԶ, էջ 120—121)։

Ահա թե երբ և անցքերի ինչպիսի հերթականությամբ սկսվեց հայերի ապստամբությունը Սասանյանների դեմ։ Անցքերի շարքում առաջինը Վաղդինի սպանությունն է, և բարեբախտաբար պատմիչը թվագրում է այն՝ Վախթանգի սպանեց բղեշխին Պերոզ արքայի 25-րդ տարում (ԿԶ, էջ 118, տ. 20—21)։

Սպանության թվականը որոշելիս պիտի հաշվի առնենք հետևյալը. երբ սլավոնիչը հաշվում է այս կամ այն տիրակալի իշխանության տևողությունը, նա կարող է թվել ոչ միայն տարիներն ու ամիսները, այլ անգամ օրերը։ Սակայն երբ դահալիություն տարիները վեր են ածվում յուրատեսակ տոմարի (իսկ պարսից, ինչպես նաև հայոց իրականությունը հենց այդպիսին էր), առաջին տարին միշտ չէ, որ հաշվում են գահ բարձրանալու պահից։ Հայտնի է, որ Հաղկերտ II-ի մահվանից հետո գահը անցավ նրա ավագ որդի Որմիզդ III-ին, սակայն Որմիզդի եղբայր Պերոզը իսկույն ապստամբեց և միայն երկամյա անընդհատ կռիվներից հետո, սպանելով գահաժառանգին և մյուս եղբայրներին, հռչակեց իրեն արքայից արքա։ Եղիշի պատկերացմամբ, Պերոզի թագավորությունը սկսվում է հենց այդ վեղջին պիպիածից՝ երկու եղբայրները կռիվ են սկսում թագավորության համար, ապա Միհրանի տոհմին պատկանող Ռահամիր (որը և իրապես գլխավորել է ըմբոստությունը), սպանելով թագավորի որ-

⁶ Բղեշխությունը այդ շրջանում վեր էր ածվել ինչ-որ շափով պարսկական վարչական մարմնի, որը պիտի ապահովեր երկրի հավատարմությունը պարսից արքունիքին։ Վաղգենը եղել է Վարդան Մամիկոնյանի ժամանակակից հայտնի Աշուշա բղեշխի որդին, նրա կինը՝ Վարդանի դուստր Շուշանիկն էր։ Լինելով կրոնափոխ իշխան, նա փորձում է ստիպել Շուշանիկին ևս ուրանալ քրիստոնեությունը։ Շուշանիկը հրաժարվում է ու ամուսնու ձեռքից մարտիրոսական մահ ընդունում։ Նրա վկայարանությունը, որտեղ տպավորվել է նաև Վաղգենի կերպարը հայտնի է մի շարք հայերեն ու վրացերեն խմբագրություններով։ Վաղգեն-Վարսկենի մասին տե՛ս T o u - m a n o f f . Studies in Christian Caucasian History, p. 262—263. Բղեշխի սպանությունը նշան էր, որ Վախթանգ թագավորը բացահայտ կերպով հրաժարվել էր ճանաչել Սասանյանների գերազանց իշխանությունը, որը հաստատվել էր Արևելյան Վրաստանում IV դարի վերջերից։

դուն, «թագաւորեցոյցանէր զիր սանն, որում անուն էր Պերոզ»⁷։ Փարպեցու համար Պերոզը թագաւոր է եղել իր եղբոր հետ հաւասար՝ «և թագաւորեցին նորա (իմա՝ Հազկերտի) երկու որդիքն, հակառակելով ընդ միմեանս»։ Այնուհետև կրտսերը, սպանելով ավագին, «իսկն թագաւորեաց» «ի նոյն ամի թագաւորութեանն իւրոյ»։ Պերոզը հրաման է տալիս արձակել կապանքներէջ հայ նախարարներին (4, էջ 108, տ. 2—7)։ Ըստ մեր պատմիչի՝ Պերոզի թագաւորութունը կարելի է հաշվել ինչպես հոր մահւանից, այնպես էլ եղբոր սպանութիւնից։

Վաղուց ի վեր պարզված է, որ այն դեպքում, երբ հաշիվը սկսվում է ապստամբութիւնից, Պերոզի առաջին տարին, ըստ պարսկերէնի մոտ ընդունված տոմարի, համապատասխանում է Հուլյան տոմարի 30.7.457—29.7.458-ին։ Իսկ եթէ հաշիվը նկատի ունի Պերոզի միահեծան տիրակալութիւնը ապա առաջին տարին է՝ 30.7.459—29.7.460, 457/8 և 459/60 թթ. ընդունված են գիտութեան մեջ և ենթակա չեն վերանայման⁸։ Այդ տվյալները ունեն անշուշտ նախ և առաջ տոմարագիտական նշանակութիւն։ Իրականում Հազկերտը կարող էր վախճանված լինել, իսկ գահաժառանգների կռիվը սկսվել 457 թ. հուլիսի 30-ից առաջ։

Հայտնի է, որ հայկական շարժական տոմարը էապես չէր տարբերվում պարսկականից, սկզբունքը, ուղղակի թե անուղղակի ձևով, փոխ էր առնված նույն եղիպտացիներից⁹։ Երկու դեպքում էլ տարին բաղկացած է եղել 12 ամսից, յուրաքանչյուրը՝ 30 օր և 5 ավելյաց օրերից։ Այսպիսով, տարին ունեցել է 365 օր, առանց նահանջի, ուստի 4 տարին մեկ Հուլյան («հին») ստամարից էտ էր մնում 1 օրով։ 120 տարին մեկ՝ 1 ամսով, իսկ 1461 տարվա ընթացքում, Հուլյանի հետ համեմատած, կորցնում 1 տարի։ Հայոց տարին 5 օր առաջ էլ, քան պարսկականը։ Եթե ընդունենք, որ Փարպեցին հաշվումներն անելիս աչքի առաջ ունեցել է հայկական տոմարը, ապա Պերոզի առաջին տարին կլինի՝ համապատասխանաբան 4.8.457—3.8.458 կամ 4.8.459—3.8.460 (տարբերութիւնը պարսկական տոմարով կատարած հաշվումների համեմատութեամբ չնչին է ու կարող է անտեսվել)։

Ընդունելով այդ տվյալները իբրև ելակետ, Վաղգենի սպանութիւնը, որն ըստ Ղազար Փարպեցու, տեղի է ունեցել Պերոզի 25-րդ տարում, պիտի լինեն՝ կամ 481/2 կամ 483/4 թ.։ Մեր հետազա շարադրանքից ինքնին կպարզվի, որ երկրորդ թվագրութիւնը բացառված է¹⁰, ուստի պիտի ընդունենք, որ Վախ-

7 Եղիշէի վասն Վարդանայ և հայոց պատերազմին, աշխատ. Ե. Տէր-Մինասեան. Երևան, 1957, էջ 197. Նման. Եղիշէի Վարդանայ պատմութիւնը, թարգմանութեամբ, ներածական ուսումնասիրութեամբ և ծանոթագրութիւններով Ե. Տէր-Մինասեանի. Երևան 1946, էջ 312, ծան. 205 (թագաւորութեան տարիները դնում է 458/9—484). Elishe. History of Vardan and the Armenian War. Harvard University Press, Cambridge Massachusetts, London England, 1982 (էջ 242, ծան. 10, 459—484 թթ.)։

⁸ Th. Noldeke. Geschichte der Perser und Araber zur Zeit der Sasaniden. Leyden, 1879, S. 425—427. Grundriss der iranischen Philologie herausgegeben von W. Geiger und E. Kuhn. Strassburg, 1896—1904, S. 530. A. Christensen. L'Iran sous les Sassanides. Copenhagen, 1944, 289—290. Եղիշէի Վարդանայ պատմութիւնը, էջ 91 և հտ.։

⁹ Տե՛ս օրինակ՝ Э. Бикерман. Хронология древнего мира. М., 1975 с. 35—38. Կարելի է միայն դարմանալ, երբ տոմարի ժամանակակից մասնագետը առանց արկայլութեան հայտարարում է. «Календарь армян имеет древнее происхождение, носит самостоятельный характер и не заимствован у древних народов, как считали многие авторы» (Культура раннесредневековой Армении. Ереван, 1980, с. 238).

¹⁰ Բայց հենց այդպես է հաշվում Մ. Աբեղյանը. տե՛ս նրա Հայոց հին գրականութեան պատմութիւն. հ. Ա, Երևան, 1944, էջ 344։ Ռ. Գրոսսի մոտ նշված է 475 թ.՝ արդո՞ք շփոթել է Շուշանիկի մարտիրոսութեան ենթադրյալ թվականի հետ։ Բայց նույն էջում Շուշանիկի մահը դնում է 458 թ. (տե՛ս նշվ. աշխ., էջ 216)։ Ղազար Փարպեցու Պատմութեանը վերաբերող մի-

թանգը սպանել է բղեշխին 481/2 թ., ավելի ճիշտ՝ 24.7.481—23.7.482, եթե հաշվենք ըստ պարսկական տոմարի, կամ 29. 7.481—28.7.482՝ ըստ հայկականի¹¹:

Եթե բավարարվելու լինենք միայն սպանության թվականին վերաբերող ցուցմունքով, ապա համապատասխանորեն պիտի թվագրենք նաև ապստամբության սկիզբը՝ 481/2 թ.: Բարեբախտաբար, Փարպեցու Պատմության մեջ կան մի շարք նշումներ, որոնք հնարավոր են դարձնում որոշակի ընտրություն կատարել 481 և 482 թթ. միջև:

Մենք տեսանք, որ սպանության տարին եղել է միաժամանակ նաև ապստամբության առաջին տարին (այսուհետև տարին նկատի ունենք մեր հասկացողությամբ, հունվարի 1-ից մինչև դեկտեմբերի 31-ը): Պատմելով մի շարք դիպվածների մասին, որոնցից հատկապես աչքի են ընկնում Անիի ու Արտաշատի պաշարումը (ԿԷ), Վահանին՝ սպարապետ, իսկ Սահակ Բագրատունուն՝ սարգպան ընտելը (ԿԸ), Ակոռիի ճակատամարտը (ԿԹ)՝ բոլորն էլ բղեշխի սպանությունից հետո, հեղինակը նշում է, որ ապստամբներն «ի հանգիստ ձմեռայնությամբ մտան էին»։ հոգային առ զարունն դպատրաստութիւն պատերազմին» (ԿԹ, էջ 126, տ. 22—23): Այսուհետև հայերը դեսպան են առաքում Վախթանգ թագավորի մոտ, որպեսզի նա, իր խոստումներին համաձայն, հունից կազմված ջոկատներ ուղարկի օգնության: Վախթանգը տրամադրում է 300 հոգ, բայց «չև ևս անցեալ ամիս մի ի ձմեռայնութեամբ փոյթ պատճառադրութեամբ անդրէն առ ինքն կոչէր» (Հ, էջ 126, տ. 27—28): Նախքան մյուս փաստերին դիմելը պիտի ընդգծենք, որ Պաղար Փարպեցին շարագրելիս երբեք ետ ու առաջ չի վազում, շարադրության կարգը լրիվ համապատասխանում է դեպքերի իրական հերթականությանը:

Փարպեցու ժամանակագրական հաջորդ ցուցմունքը նկատի ունի անշուշտ ապստամբության երկրորդ տարին: Հեղինակն ասում է, որ Վահանին օգնության են գալիս Անձևացյաց Հոհանը և Երվանդունի Ներսեսը: Առեստ քաղաքագլուխն նրանք մոտենում են «ի ժամանակի քսանորդացն պահոց, ի մեծի շարաթու պատկին» (Հ, էջ 127, տ. 26—27): Եթե որոշենք՝ ինչին է համապատասխանում ապստամբության այդ երկրորդ տարին ըստ մեր տոմարի, ապա պարզվել դառնի և նրան նախորդող մեծ շաբաթվա օրը միանգամայն հնարավոր է:

Հաջորդ գլխի առաջին նախադասությունն է՝ ապստամբները «անցուցեալ դաւուրս դառնաշունչ ձմեռայնութեամբ» հասան էին զարնանալին ժամանակի օդոյն բարեխառնութեան» (ՀԱ, էջ 128, տ. 14—15): Այդ նախադասությունը վերաբերում է նույն՝ ապստամբության երկրորդ տարվա սկզբին: Երկրորդ տարվա հիմնական դիպվածներն են՝ Ներսեսապատի ճակատամարտը (ՀԱ), Վարդ Մամիկոնյանի վերադարձը (ՀԲ), Ճարմանայի դաշտի ճակատամարտը, որտեղ զոհվեցին ասպետ Սահակ Բագրատունին և Վահանի եղբայր Վասակ Մամիկոնյանը (ՀԳ—ՀԴ): Խոսելով հայերի գալստյան մասին Վիրք՝ Վախթանգ թագավորին օգնության, Փարպեցին նշում է, որ «տօթ էր ժամանակն» (ՀԳ, էջ 133, տ. 14): Ճարմանայի ճակատամարտը տեղի է ունեցել, այսպիսով, ամռան կամ վաղ աշնան ամիսներին: Այդ երկրորդ տարվա ընթացքում է, որ Վահանը նահանջել է դեպի Տայք (ՀԵ), իսկ Հազդ Սյունին՝ նահատակի մահ ընդունել (ՀԶ): Վերջին դեպքը եղել է հոռի ամսի 16-ին: Իմանալով տարին ըստ մեր տոմարի, հեշտությամբ կորոշենք նաև այդ օրը:

Ժամանակագրության մեջ ամփոփված է հետևյալը. «Ապստամբությունը ըստ Փարպեցու տեղեկության, տեղի է ունեցել Պեոռիի գահակալության 25-րդ տարում: Հայտնի է, որ Պեոռը գահակալել է 459 թ., հետևապես ապստամբությունը սկսվել է տեղի ունեցած լինել 484 թ.: Սակայն որոշ իրադարձություններից երևում է, որ այն բռնկվել է 481 թ. աշնանը» (Հայ ժողովրդի պատմության բրեստմատիա, հ. 1, Երևան, 1981, էջ 588, ծան. 7):

¹¹ Որպես հիմք ընդունել ենք Թ. Նյուդեկեի ու Է. Դյուլոբիեի համապատասխան աղյուսակները՝ Nöjdeke. Op. cit., S. 436; E. Dulaurier. Recherches sur la chronologie Arménienne. Paris, 1859, էջ 384:

Վահան Մամիկոնյանը ժամանում է Ալյարատ գավառը, այցելում եկեղեցիներ, նվիրատվություններ անում: Վահանը և իր ընկերները, նշում է մեր հեղինակը, «երթեալք հանգչէին ի բնական ոստանին Հայոց ի Դուռնի մինչ զաւուրս ցրտաշունչ ձմեռայնայն սառնամանեացն անցուցանէին» (Հէ, էջ 141, տ. 14—15): Ապստամբության երկրորդ տարին ավարտվում է:

Այդ ձմեռ Վիրքից պատվիրակներ են գալիս համոզում հայերին, թե իբր Վասակ Մամիկոնյանն ու Սահակ Բագրատունին Ճարմանայնի մարտից հետո կենդանի են մնացել, այժմ հայրենակիցներին օգնության են կանչում: Վահանը կռահում է այդ սուտ լուրի նպատակը՝ «գիտացեալ զեկս պարսիկ գումարտակի զաւանի յերկիրս Հայոց» ուզում են պառակտում առաջացնել ու հայ ղորականների մի մասին ստիպել հեռանալ դեպի Վրաց աշխարհը (Հէ, էջ 142, տ. 35—143, տ. 2): Նորեկները հասնում են իրենց նպատակին՝ սեպուհ Մուշեղ Մամիկոնյանը իր զինվորների հետ միասին լքում է Դվինը: Մուշեղը թողնում է Դվինը՝ ձմռանը «խելացնորեցուցեալ յածեցուցանէին... մինչև ցվախճանն ցրտաշունչ հողմոց ձմեռայնայն սառնամանեաց» (Հէ, էջ 143, տ. 35—37): Իսկ «եկեալ ժամանակ ծաղկոցաց՝ զաւանայն ողոյն շնչմանց, աւետաւոր ջերմութեանց մերկոցն չբաւորաց» (Հէ, էջ 143, տ. 38—39): Հայաստան է ներխուժում և Արտաշատը պաշարում Զարմիհր Հաղարավուտի բանակը: Ապստամբության երրորդ տարին արդեն սկսվել է:

Ապստամբների համար դա ծանր սարի է եղել. Զարմիհրը հալածում է Վահանին մինչև Հայաստանի բյուզանդական մասը: Վախճանը փախչում է Եգերաց աշխարհը: Պատերազմական գործողությունները շարունակվում են, լարվածությունը՝ աճում: Հակառակ ուժերի բացահայտ անհավասարությանը, Վահանը կարողանում է ծանր հարվածներ հասցնել պարսիկներին: Պերոզ արքայի կարգադրությամբ Զարմիհր Հաղարավուտը մտնում է Վիրք, Հայաստանի մարզպան է նշանակվում Շապուհը՝ Միհրանի տոհմից: Եթե հաջապատանք Փարպեցուն, Վահանը սարսափ է ներշնչում Շապուհին, մարդպանը իրեն կորցնում է: Եվ այդ պահին Պարսից աշխարհից անսպասելի լուր է հասնում՝ հեփթաղների դեմ մղվող պատերազմում սպանվել է արքայից արքա Պերոզը: Պերոզին հաջորդած Վաղարշը և նրա շրջապատը հիմնովին փոխում են իրենց քաղաքականությունը հայերի, վրացիների, աղվանների նկատմամբ, և շուտով նվաճողական գլուղում Վահան Մամիկոնյանը թելադրում է հաշտության պայմանները:

Վերոգրյալ դիպվածները տեղի են ունեցել անշուշտ ապստամբության երրորդ տարվա ընթացքում, ձմեռվանից անմիջապես հետո: Անցքերը վրա են գալիս արագությամբ, ժամանակի հաշիվը լինում է օրերով: Շարադրանքը հազեցված է այսօրինակ դարձվածքներով՝ «և ոչ աւուրբ միով յառաջ ժամանեցին» (էջ 145, տ. 3), «ի նմին աւուր... գայր հասանէր» (էջ 145, տ. 8—9), «ի վաղին» (էջ 145, տ. 26, էջ 154, տ. 16), «զամենայն օր ոչ տայր դուլ առնուլ... զցայգ ամենայն նետաձիգ լինելով» (էջ 148, տ. 9—10), «կամեցեալ հանգչել աւուրս երկուս» (էջ 149, տ. 23), «յետ հինգ աւուր» (էջ 150, տ. 3), «դոնեա զայն գիշեր հանգստիւ յագեալ քնով» (էջ 150, տ. 11), «հանգչէր զմնացեալ մասն ի գիշերոյն... և ի ծաղել լուսոյն երթեալ բանակէր» (էջ 150, տ. 27—29), սրա հետ մեկտեղ նաև «խաբելով զՇապուհ ի բաղում աւուրս» (էջ 147, տ. 21): Ոճի նման առանձնահատկությունները համոզում են, որ ձմեռվանից մինչև Պերոզի մահը (բերված բոլոր օրինակները վերաբերում են այդ ժամանակամիջոցին) անցել են միայն ամիսներ, ապստամբության երրորդ տարին դեռևս չի լրացել:

Պերոզը սպանվել է 484 թ. սկզբին¹², ասել է՝ զարնանը, երբ կլիմայական պայմանները կարող էին թույլ տալ վերսկսել պատերազմական գործողությունները Միհրն Ասիայում: Մահվան բոթը Հայաստան պիտի հասած լիներ մի առ ժամանակ հետո: Պերոզի հաջորդ Վաղարշի առաջին տարին է՝ 23.7.481—22.7.485: Ընդունելով, որ ապստամբությունը ավարտվել է 484 թ. (ուշ

¹² Nold e ke. Op. cit., p. 425—426, 435.

գարնանը կամ ամռանը, տպիլ դեպքում դա կարևորություն չունի), ելնելով նրանից, որ դա ապստամբության երբեք տարին է, գալիս ենք միակ հնարավոր եղրակացությանը՝ ապստամբության առաջին տարին 482 թ. է. տատանումները 481 և 482 թթ. միջև վերանում են: Վազգենի սպանությունից մինչև Պերոզի մահը անցել են 482 թ. մի մասը, ամբողջ 483 թ. և 484 թ. առաջին ամիսները:

Որոշակի եղրակացության ենք գալիս նաև վերևում հիշատակված գատկի վերաբերյալ: Փարպեցին նկատի է ունեցել երբեք տարվա, այսինքն 483 թ. դատիկը, որը եղել է ապրիլի 10-ին, ուստի մեծ շաբաթվա օրը գալիս է ապրիլի 9-ին: Լուծվում է նաև Հազդ Սյունու նահատակության օրը. 483 թ. հոգի 16-ը (շարժական տոմարի 46-րդ օրը) գալիս է սեպտեմբերի 12-ին:

Այսպիսով, մենք տեսնում ենք, որ ոչ 481 թ., ոչ էլ 484 թ. որպես ապստամբության սկզբի տարիներ չեն համապատասխանում իրականությանը: Երկրորդ թվականի ծագումը հեշտ է կոահել. հաշվելով Պերոզի գահակալությունը 459 թվականից, գումարելով դրան 25, ստացել են 484 (Վազգենի սպանությունը), իսկ այն, որ առնվազն մեկուկես տարի տևող շարժումը 484 թ. սկսվելով չէր կարող ավարտվել նույն թվականին՝ վրիպել է ուշադրությունից:

Ինչ վերաբերում է 481 թ., ապա այն բխում է Մ. Չամչյանի թվագրությունից: Վկայակոչելով Ղազար Փարպեցուն և Վառդանին, Չամչյանը 481 թ. տակ շարադրում է Վազգենի սպանությունը և դրան հաջորդող դեպքերը՝ մինչև ձմռան¹³: Պարզ է, որ դրանով խախտվում է նաև մյուս ռազմական թվագրությունը: Նույն հաշիվը յուրացրել է նաև Մ. Օրմանյանը¹⁴, իսկ քանի որ վերջինս հեղինակություն է հանդիսանում ժամանակագրական հարցերը լուծելիս, ապա 481 թ. քննադատական մոտեցման երեք չի արժանացել: Ի դեպ, Օրմանյանի ժամանակագրական տվյալները ընկած են Հ. Աճառյանի «Անձնանունների բառարանի» բաղմամբով հոգվածների հիմքում:

Մեր ուսումնասիրության արդյունքները ստիպում են նաև ճշտել Փարպեցու մոտ հիշատակված մի շարք պատմական անձնավորությունների մահվան տարեթիվերը: Ինչպես Մ. Օրմանյանի, այնպես էլ Հ. Աճառյանի մոտ դրանք սխալ են թվագրված: Նշենք միայն մի օրինակ. հայտնի է, որ շատ գիտնականներ Մովսես Խորենացու «Հայոց պատմության» համար որպես terminus ante quem ընդունում են 482 թ.՝ ասպետ Սահակ Բագրատունու մահվան թվականի, քանի որ, նրանց կարծիքով, այդ Սահակին է ձոնած եղել Մովսեսը իր երկր¹⁵: Իրականում Սահակը զոհվել է 483 թ. տեղի ունեցած Ճարմանայի ճակատամարտում:

КОГДА НАЧАЛОСЬ ВОССТАНИЕ, ВОЗГЛАВЛЕННОЕ БААНОМ МАМИКОНЯНОМ?

Доктор ист. наук К. Н. ЮЗБАШЯН (Ленинград)

Резюме

Основным источником для изучения антисасанидского восстания народов южного Предкавказья является «История Армении» Лазара Парпеци (ок. 500 г.). Движение началось с убийства бдеша Вазгена-Варскена в 25-й год персидского царя Пероза (отсчет в данном случае от 457/8 г.), завершилось со смертью Пероза (первая половина 484 г.). Многочисленные указания Лазара Парпеци на смену времен года, к которым приурочиваются события, позволяют твердо датировать восстание 482—484 гг. Распространенные в литературе даты его начала 481 и 484 гг.—основаны на недоразумении.

¹³ Մ. Չամչյան. Պատմության Հայոց. Բ, Վենետիկ, 1785, էջ 160—169:

¹⁴ Մ. Օրմանյան. Առաջադասություն. առաջին մաս, Կոստանդնուպոլիս, 1912, էջ 454:

¹⁵ Վկայակոչում են միայն նորերս լույս տեսած աշխատություններ՝ Գ. Խ. Տարկեսյան. Мовсес Хоренаци.—В кн.: Видные деятели армянской культуры (V—XVIII вв.). Ереван, 1982, с. 57.